



QEQQATA KOMMUNIA

Teknikkeqamermut Avatangiisinullu immikkoortortaarfik

Qeqqata Kommuniani containerinik inissiisarnermut malittarisassatut

Una malittarisassaq kommunip pilersaarusiorneqarnerata ilaatut ilaatinneqarpoq aammalu Qeqqata Kommuniani containerinik inunnit ataasiakkaanit inuussutissarsiortunillu inissinneqarnissaanut najoqqutassanik aalajangersaasuulluni.

Atuuffeqarfia

§ 1. Iteqqoreqqusaaq una Qeqqata Kommuniata pilersaarusiorneqarnerata ilagivaa.

§ 2. Malittarisassaq Sisimiunut, Maniitsumut Kangerlussuarmullu illoqarfiit nunaqarfiillu killifeqarfiisa iluanni assartuussinermut siunertaliinnarnuunngitsoq containerinut atorneqartuusunut aammalu kommunip containerinut inissiiffiisa avataani inissinneqartuusunut taamaallaat atuuffeqarpoq. Kommunip containereqarfiutaanut Qeqqata Kommuniata Kommunip containerinut inissiisarfiinut malittarisassat immikkut ittut atuupput.

Imm. 2. Malittarisassaq Qeqqata Kommuniata inunnit ataasiakkaanit eqqakkanut malittarisassaa naapertorlugu eqqakkanik pisarialimmik ingerlatsinermut katersisarnermullu aaqqiinermut atatillugu ateqqissinnaasunut containerinut tamanut atugassanngorlugit inissinneqarsimasunut atuuffeqanngilaq.

Imm. 3. Malittarisassaq nalinginnaasumik suussutsinik kiisalu suussutsit immikkut ittut soorlu eqqqagassanut containerinut, containerinut nillartaatsivinnut, containerinut tankiisivinnut, flatracks-inut il.il. ISO 20 aamma 40 fodsit ammasunut matoqqasunullu aammalu saneqqamik matullit ilanngullugit containerinut tamanut atuuttuuvog.

Imm. 4. Malittarisassarli qaartiterutissanut aamma qummoroortartunut containerinut inatsimmit allamit nalimmassarneqartuusumit atuutinngilaq.

Siunertaq

§ 3. Malittarisassamik siunertaasoq tassaavoq, kommunimi containerinik killiliinikkut takusinnaasanillu tulluartautitsinikkut nunamik, illoqarfimmik nunaqarfimmillu kusanartautitsineq.

Akuersissutit nalinginnaasut

§ 4. Angallatinut il.il. atortunut illunullu qajannaartukkanutinnaq tunniunneqartartuusumut nunaminertamik atugassiinermut illuatungiusutut pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq kingusinnerusuk allannguutilik § 36 imm. 2 naapertorlugu nunaminertanik atugassiisarneq nassuiarneqarpoq.

§ 5. Kommunip ingerlatsivianiit inissiivissamut innersuussummik eqqoqqissaartumik pilimmik nunaminertamik atugassiisummik siumut peqartoqartinnagu containerinik inissiisoqaaqqusaanngilaq.

Imm. 2. Nunap timaani containerini inissiineq akuersissutigineqarneq ajorpoq kisianni immikkut pisuni tassunga immikkut akuersissuteqartoqartarpoq.

Imm. 3. Avatangiisinut akornutaanngitsumik nunaminertanut inuusutissarsiorfinnut umiarsualivinnullu kiisalu sanaartorfinnut immikkut toqqakkanut containerit qaleriiaarneqartarnerat eqqaassanngikkaanni nunaminertanik atugassiisoqanngisaannarpoq.

Imm. 4. Avatangiisinut inatsit ilanngullugu inatsisit sinnerinut malinittumik containerinik inissiineq imarisaanillu malitsitsissaaq. Containerit akuutissanik ikuallassinnaasunik, qaartiterutissanik assigisaanillu imaqaqqusaanngillat.

Imm. 5. Containerinik inissiinermut nunaminertamik atugassiissutaagallartutut inissitaanerata ilagivaa, nunaminertap siunertanut allanut atornissaa kommunip kissaatigippagu imaluunniit containeri nunami, illoqarfimmi nunaqarfimmiluunniit avatangiisinut akornutaassasoq kusanaallisaataassasorluunniit ingerlatsivimmit nalilerneqarpat, nunaminertamik atugassiissut kommunimut aningaasartuutaanngitsumik utertinneqarsinnaanera.

§ 6. Containerinik inissiineq ataqqineqassaaq aammalu avatangiisinut tulluartsassaaq taamaaliornikkullu sapinngisamik minnerpaamik takusinnaasanik kusanaallisaataassalluni.

Pisattanik nussuineq sanaartorfillu

§ 7. Pisattanik nussuinermit atatillugu sivisunerpaamik sapaatit akunnerini sisamani containerinik inissiineq akuerineqarsinnaavoq.

§ 8. Sanaartorfinni containerinik inissiineq sanaartornerup ingerlanerani akuerineqarsinnaavoq.

Imm. 2. Sanaartukkat atulersinnaaneranut akuersisummik tunniussisoqartinnagu containeri peerneqarsimassaaq.

Inissialiortitsineq

§ 9. Ammasumik pukkitsunik inissianik sanaartukkani illumut (affarleriunngitsumut affarleriimmullu), atuuffinnut ataatsimoorussanut pisiniarfinnullu pingaarnermut pioreersumut qanittumik attuumassutilimmik taamaallaat containerinik inissiineq akuerineqarsinnaavoq, taamaaliornikkut containeri quitut sanaartukkatut qajannaarsukkatut ilassutitut atuuffeqalerluni, ilaatigut illup silatimigut iikkersuutai, illup qaavata ilusissaanut qalipaataanullu il.il. eqqarsaatigalugit illup pingaarnermup iikkersuutaanut takuneqarsinnaasunut assinganik piumasaqaatitalerlugu.

Imm. 2. Aammattaaq sanaartornermi malittarisassani aalajangersakkat atuupput.

Imm. 3. Containeri ikkersugaq qajannaarsugarlu illutut illutut isigineqartarmat taamaaliornikkullu nunaminertamik atugassinneqarnissamik piumasaqaatitaqarmat taakkununga nunaminertamik atugassiisoqarneq ajorpoq.

Immikkoortut inuusutissarsiorfiit umiarsualiveqarfiit, pisiniarfiit il.il.

§ 10. Ingerlatsivimmit pissutsit tulluartsutut nalilerneqarpata kommunip ingerlatsiviata akuersissuteqarnerata kingorna namminerisamik nunaminertani inissiisarfinni pisiniarfiit containerimik ataasiinnarmik aalajangersimasumik inissisimasussamik inissiinisamik akuerineqarsinnaapput.

Imm. 2 Containerit imm. 1-imi taaneqartut pingaarnertut illup qalipaataata qalipaateqaterpiaanik qalipaateqassapput.

Imm. 3. Pisiniarfimmut, atuuffinnut ataatsimoorussanut aammalu sullissinermut inuussutissarsiummut toqqaannartumik attuumassutilimmik ingerlatsinikkut nioqqutissanik pisarialinnut atatillugu containerimik inissiineq sivisunerpaamik sapaatip akunnerani akuerineqarsinnaavoq.

§ 11. Immikkoortuni inuussutissarsiorfiusuni umiarsualiveqarfinnilu containerinik inissiineq inuussutissarsiorfiit namminerisamik nunaminertaani taamaallat akuerineqarsinnaavoq.

Imm. 2. Containerit qaavini inaalitaasinnaasut torersumik, aalajangerlugit imminullu illersorsinnaasumik inissinneqassapput taamaalillutik sumiiffimmi angallannermut navianaataassanatik.

Imm. 3. Containerinik inissiineq sapingisamik minnerpaaffianut killilersimaarneqasaaq.

§ 12. Taamaallaat containerinik inissiinermut nunaminertanik atugassiisoqartarpoq. Nunaminertanik atugassiisarnerit ukiut tallimat tikillugit killeqartinneqarput, ukiullu tallimat tikillugit sivitsuiffigineqarsinnaallutik.

Imm. 2. Nunaminertami inuussutissarsiorfimmi attuumassutilimmik nunaminertamik atugassiinissamut sivitsuinissaq pillugu piumasaqaat atorsinnaanngilaq.

Nunaminertat inissiivunngitsut

§ 13. Illoqarfinni nunaqarfinnilu immikkoortuni inissiivunngitsuni containerinik inissiinerit taamaallaat utaqqiisaagallartutut akuerineqartarput.

Qimmiliviit

§ 14. Illuaqqamut taartitut qimmiliviup iluani illoqarfinni nunaqarfinnilu qimmivilinnut atatillugu containerinik annginerpaamik 6 fod inissiinerit akuerineqarsinnaapput.

Kinguneqartitsinerit

§ 15. Nunaminertamik atugassiisummik atuisuusoq Pilersaarusiorneq aamma nunaminertat atorneqartarnerat pillugit Inatsisartut inatsisaat nr. 17, 17. november 2010-meersoq kingusinnerusukkut allannguutitalik § 62 imm. 1 aamma 2 naapertorlugit pissutsinik unioqqutitsisunik iluarsiinissaminut pisussaaffeqarpoq. Ingerlaavartumik pinngitsaaliilluni akiliisitsisarnikkut, politiinut suliaassanngortitsinikkut atuisussaataaermillu atorunnaarsitsinikkut pinngitsaaliilluni pisumik unioqqutitsisumit iluarsiinissamik piginnittuusoq atuisuusorluunniit kommunip ingerlatsivianit peqquneqartarpoq.


§ 16. Pilersaarusiorneq aamma nunaminertat atorneqartarnerat pillugit Inatsisartut inatsisaat nr. 17, 17. november 2010-meersumi § 63 imm. 3 naapertorlugu angallatit qaqitat pisullu allat malittarisassamik uannga malitsitsinngitsut, eqqartuussivikkut peqqusinermik nalunaarummik pinngitsaaliillunilu akiliisitsinissat malitsinneqarsimanngippata, kommunip ingerlatsivianit peerneqassapput piginnittumulluunniit akiligassanngorlugit pisarialimmik iluarsitillugit.

Kommunalbestyrelse ulloq 28. april 2025



Malik Berthelsen

Borgmesteri / Borgmester



Hans Christian Sværd

Kommunimi pisortaaneq / Kommunaldirektør